

風俗

案周書職方解云正南曰荊州其民一男二女案周禮職方氏文同鄂州書云岳鄂間田野小人例止養二男一女過此輒殺之尤諱養女故民間少女多鰥夫初生輒以冷水浸殺其父母亦不忍率嘗閉目背而以手按之水盆中伊嚶良久乃死今各縣志所管子載亦多溺女之習豈因楚舊多女人賤惡之而成此惡俗所管子水地篇云楚之水淖弱而清故其民輕果而賊春秋元命苞云荆強也其氣躁強亦曰警也言南蠻數為寇逆其人有道後服無道先強當警備也案穀梁莊十年傳何為謂之荆狄之也聖人立必後服無王者則先叛禹貢鄭康成注荆楚之域國有道則後服無道則先強爾雅釋地李巡注其氣燥剛稟性強梁故曰荆荆強也劉熙釋名取名為荆者荆警也南蠻數為寇逆其民有道後服無道先強常警備之皆本元命苞之說楊雄為荊州牧箴風慄以悍氣銳以剛有道德後服無道先強亦取義於此釋名又云楚辛也其地蠻多而人性急數有戰爭相害辛楚之禍也此言地苦蠻患乃別此皆指三代前楚為蠻服言之史記貨殖傳云西楚俗剽一義

志二十一

輿地二十一 風俗

一

輕易發怒地薄寡於積聚江陵故郢都西通巫巴東有雲夢之饒其民多賈南陽今隨州及襄陽各屬皆漢南陽郡地西通武關鄖關東受江漢淮宛俗雜好事業多賈又云楚越地廣人希此兼越言之者正義云越越兼有吳越之地故言楚越然下文所云實總楚之大飯稻羹魚勢立論故漢書地理志言楚之土宜風俗即約取是文飯稻羹魚或火耕而水耨果隋贏蛤不待賈而足地勢饒食無饑饉之患以是嵒窳媮生無積聚而多貧是故江淮以南無凍餓之人亦無千金之家案鹽鐵論通有篇荆地廣而饒材然此嵒媮生好衣甘食坐白屋草廬歌謳鼓琴日給月單朝歌暮戚大意亦同漢書地理志云信巫鬼重淫祀案列子子說符篇云楚人鬼而越人而好祀其祀必使巫覡作樂歌舞以娛神蠻荆陋俗詞既鄙俚而陰陽人鬼之間又不能無褻慢淫荒之雜原既放逐見而感之故為更正其詞是楚之信鬼重祀其事蓋其風至今猶未能革也隋書地理志云荊州風俗頗同揚州其人率多勁悍決烈蓋天性然宋史地理志云京西絲枲漆纊之所出襄陽隨棗武當上庸其俗習

近荆楚荆湖北路農作稍惰多曠土俗薄而質太平寰宇記荆之
爲言強也陽盛物堅其氣急悍故人多剽悍又云楚之俗剽悍巧
猾此所言則多漢晉以後楚俗之敝者然大戴記千乘篇言南辟
之民信以樸國策楚策言楚國之俗不蔽人之善不隱人之惡則
其質未始不甚良毛詩漢廣敍云文王之道被於南國案朱子集
傳謂南國
卽興元府京西湖北等路諸州縣興元
府今隸陝西餘則大率皆本省轄境也美化行乎江漢之域無思
犯禮求而不可得桃夭敍云男女以正婚姻以時國無鰥民免置
敍云關雎之化行則莫不好德賢人眾多芣苢敍云和平則婦人
樂有子行露敍云衰亂之俗微貞信之教興強暴之男不能侵陵
貞女標有梅敍云召南之國被文王之化男女得以及時野有死
麋敍云被文王之化雖當亂世猶惡無禮是當時習俗之美且爲
十五國最故編詩者列爲正風焉大抵五方之俗雖各囿於地而

志二十一

輿地二十一 風俗

二

亦視上之政教爲轉移左氏宣十二年傳云楚軍昔歲入陳今茲
入鄭民不罷勞君無怨讟荆尸而舉商農工賈不改其業君子小
人物有章服貴有常尊賤有等威又云楚自克庸以來其君無日
不討國人而訓之箴之曰民生在勤勤則不匱史記循吏傳云孫
叔敖爲相施教導民上下和合世俗盛美政緩禁止吏無姦邪盜
賊不起劉向列女傳云孫叔敖爲令尹道不拾遺民不閉關而盜
自禁此可證德立政成其典禮之不易亦駸駸乎風行而草偃矣
隋書地理志云南郡夷陵竟陵沔陽襄陽春陵漢東安陸永安義
陽江夏諸郡多雜蠻左其與夏人雜居者則與華不別其僻處山
谷者則言語不通嗜好居處全異頗與巴渝同俗案此蓋指晉氏
以前言之諸蠻
或卽各土司先世種類之散處者自晉氏以後則漸變夷爲夏迄
前清改土歸流皆道一風同嘉慶舊志謂金峒木册咸與維新不
獨江漢名區蒸蒸日上自晉氏南遷之後南郡襄陽皆爲重鎮四方
上其言信不虛矣

湊會故益多衣冠之緒稍尙禮義經籍焉江夏竟陵安陸各置名
州爲藩鎮重寄人物乃與諸郡不同斯則風俗之變又多因平時
勢而漸被之效士大夫尤與有責然益足徵敝習之無不可改者
矣

江夏縣舊武昌府治
今改武昌縣

鄂州土沃民剽非用威莫能治唐書崔郾傳鄂俗計利尙鬼病者不藥

而聽於巫宋史劉士清之傳士以文詞相高有六朝舊體宋柳拱辰郡守題名記武弛

文張民日趨於禮樂之域宋元明善武昌路學記俗尙質樸不事浮華元歐陽文

記武昌隸會省輪蹄輻湊民俗視列郡稍靡摺紳服習教化不改

惇愿之習非公事不入公門士樂絃誦少紈綺之好故科第不乏

其小民畏挺甚於懾刃人心廣大如其山川之氣不喜偵吏長短

楚民故龐厚而鄂爲首康熙湖廣通志風流都雅詞章鬱勃尙氣節而重

志二十一

輿地二十一 風俗

三

禮義清蔣永修重修武昌府學碑記江夏風氣樸茂被服飲食皆適豐約之中中南

紀江邑當省會衝租稅所入不足備一年之儲仰給者皆湖南沔

漢所輸運復嶺巨浸種陸町畦十不三四有田者不躬耕置產難

而棄業易拙於封殖敦於詩書恥於武健習於仁柔其塵肆牙儉

魚米市魁土木技藝卜筮陰陽率多外籍武昌府志自昔軍興士民鮮

存西北避地者萃焉東南趨利者湊焉五方雜寓家自爲俗而田

里小民務農力本縣志引圖冊五方二語亦見明統志

武昌縣今改鄂城

土地確确人民淳厚多英偉之才舊縣志引圖經案府志言自昔孫權徙都江東英雋多聚於此

則其風有咸同以前物力蕃盛民氣雍和有司以尊賢育才爲心

學官以敦品勵學爲教士乃務爲實行以表率乎四民軍興以來

學校之途既廣科目之士遂多學問文章雖遠遜於古要皆廉隅

自飭不屑於委瑣齷齪之爲農苦而情工多資於他邑商以乾嘉間爲盛遠服賈者數百餘家今自川陝以至江淮蓋寥寥焉婦女勤紡織近且能飼蠶尤善製草帽績葛縣志

嘉魚縣

嘉魚名賢閒出文章氣節之士前代爲盛府志土瘠而訟簡習尙溫柔家以魚稻爲業人敦詩禮之好冠婚喪祭悉遵禮教行商坐賈不遠懋遷士以習於奔競爲恥民以不見官府爲榮縣志

蒲圻縣

鄂之壯邑居郡上流山川清淑科第代不乏人康熙湖廣通志負山帶河湖陂內匯稻黍魚鼈耕漁足食其俗昔儉而今奢昔訥而今囂昔等威而今踰侈先民軌物幾經變易府志田里小民半習攻木遊藝四方尙血性事親病多刲股舊縣志民安儉樸士重廉隅縣志王炎雙溪

志二十一

輿地二十一 風俗

四

集沿檄如蒲圻訊民食菜事魔詩三代日方中爲民破重昏既蝕復光融孔孟道益尊古禮今則亡陳編意獨存飲燕用觥籌薦享羞羔豚瞿曇何爲者髡首徒實繁不貪非畏義不殺非知仁舉世昏不悟跣足行荆榛胎禍產妖幻與佛歧又分俗愚有聖誤吏議多深文怒言必溢惡疑似恐不根黔首亦何罪可憫不可嘆大道若返古怪說難眩民帝居虎豹守此語誰叩闢周順偶良思堂集蓴川竹枝詞三月春風長嫩芽村莊少婦解當家殘燈未掩黃梁熟枕畔呼郎起採茶茶鄉生計即山農壓作方磚白紙封別有紅箋書小字西商監製自芙蓉原注每歲西客於羊樓崗買茶其磚茶用白紙緘封外粘紅簽題本號監製仙山名茶等字芙蓉山在西鄉六水三山卻少田生涯強半在西川錦官城裏花如許知誤春閨幾少年

咸寧縣

咸寧境少沃野人多勁悍決烈其風鬪很僭越名分明末漸積使然然水耕火耨魚稻爲業猶有楚之遺風府志俗舊質樸敦本力農以積財置產爲務近逐末者多競尙華靡惟詩禮之家尙敦古處而式先民士風前輩最重經術近就時趨然束脩自愛常抱隕詘之恥趨炎附勢人咸嗤之縣志

崇陽縣

崇陽素號難治

六一居士集

五代以來軍卒凌將帥胥吏凌長官餘風

至宋初猶未盡除

鶴林玉露

畚粟種茶拙於治生

宋王欲乖

君子業儒

不習錢穀簿書小人椎魯貧窘不解期會徵發

明張仕可

地狹土

瘠沙石雜沓小有水旱不厭糟糠性偷惰且不事商賈歲時伏臘

斂財賽神以覲福利病者事師巫不重藥餌四通山澤易為盜藪

摺紳秉禮敦義猶有先進遺風

明陳洪烈

風俗敦樸女婦推節壯

士效義

明劉永清

舊俗尙囂競輕扞文網近則秉性慕義有先民

遺風

賈漢誼

俗樸訟簡民力農少為商賈顚愚而重犯法士務

詩書尙廉恥

舊縣志

崇邑士風嚮重經術今不逮遠矣然鄉閭各起

家塾兒童盡使知書農力耕作山多於田灌溉全藉陂堰故歲有

爭水之訟工商離鄉十之四肩販盈道擁厚貲為巨賈者百不一

志二十一

輿地二十一 風俗

五

人山獵水漁亦為恆業婦女務紡績雖官家富室不廢女紅中產

之戶兼任耰鋤桔槔耨板之勞山中健婦登危負薪力逾男子孀

居烈性者甘貧不再醮閨訓凜然居民有累朝土著者如溫氏廖

氏金氏著於唐高氏胡氏徐氏顯於宋包氏先世避黃巾之亂來

此則漢人之苗裔矣

縣志

附黃庭堅和鄂州節推陳榮緒沿檄

洞庭橘右擔彭澤魚歌奔中夜女婦抱十年雛近歲多儒學仁風

似有初又縣志引王應斗端陽竹枝詞少年歌舞少年船不惜春

衣浪典錢拍手江干貧亦樂管他正賦與加編鄉村兒女望城遙

十里五里歡相邀不怕新羅紅着雨不愁歸路水平橋楊柳叢頭

殺賊無消息日日高歌得勝回

通城縣

通城僻處山多水少民生其閒資性厚重甘淡薄務耕織不事服

賈故邑雖彈丸而鮮奸悍士氣亦磊落俗儉不盡與他邑同

府志

土

堅民質崇儒術勤耕耘親上易治

縣志

興國州今改陽新縣

郡小民醇往往囹圄書閉桁楊不施宋知軍周紫芝妙香寮記其民銳於治生

怯於私鬪故易爲政士篤於好學而恥於浮靡故可語道元歐陽

州修健民訐訟盜黨跼伏爲有司憂府志民力本土尙名節但婦少

蠶織人習刁風舊州志士重經術恥習訟家雖貧兒童必令讀書有

乞飲助以供束脩者農勤墾植野無曠土工不尙技巧藝事以堅

樸爲貴無巨商大賈聚族而居往往碁置數百戶重宗譜嚴別異

姓宗有祠祠立之長家法一聽長約先公家之急二稅應期無逋

州志

大冶縣

大冶僻處陬隅民鮮素封之積近來輸將應期無復異時獷戾之
習又云其風氣淳蓄實爲江湖奧區故人才彪彪秀出焉舊府志

尙質樸不事浮華其民醇可與語道以考亭門人萬正醇表章斯
文士有所嚮本朝風教所被絃誦藹然縉紳先生清修雅習丈夫
力田作苦女工紡績不蠶以故服用皆儉明縣志

通山縣

通山士尙剛毅民多樸野嘉慶通志通邑在萬山之中民醇俗樸

縣志引明提學韓陽記鄰里親故閒有無緩急相通歲時伏臘相饋問食貧

居賤亦不輕去其鄉縣志

漢陽縣舊漢陽府治

地狹民貧然先賢名儒往往宦遊其邦流風餘韻有存焉者明陳

敬一亭六先生祠記自游定夫知漢陽軍召郡中士子講明理學一郡風俗

醇美明郭維賢建學記民性勁直決烈多存仁義有歷世不分者清一統志引宋

志民淳樸怯於爭訟不好奢侈有禮讓之風皇輿考民俗樸略春夏

力農秋冬業漁

舊府志

人物科名之盛甲於三楚

清知縣裴行恕改建晴川書院記

士大夫學古高蹈雖貧乏亦志儒業恥他途民樸而知禮讓非耕則漁罕營商販婦女市居多事剪綵鄉居惟勤紡績但喜巫崇佛負性使氣乃其故習然耳

縣志

夏口廳

今改縣

夏口五方雜處良莠難齊究以執業者多賦閒者少故稍知畏法者決不爲非又云服食華侈漢口獨盛則以商賈輻輳雜有吳越川廣之風焉

漢陽縣志

湖北鎮市以漢口爲最大居奇質化之賈比塵

而居轉輸搬運者肩相摩踵相接四海九州之物殊形異狀來自遠方者旁溢露積上自橋口下至接官廳一十五里竈突重沓嘈雜喧呶之聲夜分未靖濱江舳艫相引數十里帆檣林立舟中爲市蓋十府一州商賈所需於外部之物與外部所需於湖北者無不取給於此繁盛極矣

湖北通志檢存稿

案漢鎮自中外互市以來習俗益靡闔閭多仿西式服飾宴會

務爲豪侈歌館舞臺茶寮酒肆之閒冶遊者車水馬龍盡夜無有止息而奸宄莠民亦得巢窟其中爲地方有司所弗能治蓋俗之敝未有若是之甚者章氏所云則猶未曾通商以前也

漢川縣

漢川地氣卑溼人家興廢無常

江漢舊聞

春水泛漲農民遷近原隰耕

墾秋冬涸時遷近湖泊網罟以自給

康熙通志

山川平易人民樸野

士皆向學頗有醇風湖居小民以水爲家多結茭草爲簰覆以茅

茨人居其中謂之茭簰隨波上下耕時牲畜咸在其中

案縣志引吳邦治茭

簰湖居詩茭簰具生理隨地卽桑麻俯仰無餘事雲英與浪花

垆塚一帶土瘠民貧秋成卽攜妻

子泛漁艇轉徙於河之南江之東採菱拾蚌以給食

案縣志引張清標黃金湖

採菱詩湖頭風細雁雙飛湖上女兒紅葦衣採得青菱秋正晚白蘋香裏掉船歸大姑船尾慣撐篙小姑船頭慣把橈穿過紅橋衣帶緩西風背立整裙腰春時仍事南畝南岸則勤紡績曉夜爲之安土重遷

無遠商行賈者百工技能亦皆習爲濱江民多用牛車引水灌田爲他邑所無府志

孝感縣

孝邑濱湖負山其山聳拔故氣多亢爽其水清折故人多穎秀嘉慶志

五鄉業各不同白雲之人負山耕種射獵採藥燒炭積以自贍

郭下地瘠人纖氣勁易鬪廣陽諸趙宏樂地濱湖有漁利其性靡

無積聚然子弟好學舊縣志士習素尙樸樸後科第日盛絃誦益增

四民惟農最苦然古之農勤今之農惰古之農多今之農少賦役

日增阡陌有荒而不治者縣志

黃陂縣

民皆勤農桑寡遊販駿慕儒術蘇軾言其尊德樂道異於他邦府志

地瘠民貧近來風氣漸薄一切化質爲文然在三楚猶有可風途

志二十一

輿地二十一 風俗

八

鮮遊女賈人行客過其都者未嘗見婦女面惟朝夕勤紡績而已

舊縣志咸豐四五年間粵匪捻匪來擾百里之內一片瓦礫同治七

年以後始無賊踪士勤於讀農力於耕猶有古風縣志

沔陽州

地多卑溼人性醇和輿地紀勝引圖經又引丁諷詩云我來自北

屢遊星館時畱連景陵即竟陵地鹵民貧萑葦之藪多盜盜又富

而多黨偵卒懼禍觀望莫能捕仙桃沙湖諸鎮舟車駢集遠方之

貨似盈溢矣而牙僧耗蠹商民兩病承天府志案承天即安陸府明時沔陽隸之民貧

多訟俗少蠶桑以耕漁爲業豐年鄰壤饑民歸之潦則室廬不保

頃年湖多淤爲田廬江漢歲溢水無所容民罹昏墊康熙湖廣通志耕尙

鹵莽雖廣種而薄收婚略禮文每多贅而少娶疾病則斂貲相卹

死喪則歌鼓雜哀舊縣志土隙而曠故民怠地卑而潦故民瘠婦人

嫺閨訓習女工夫死守從一而終之義者不可枚舉此俗之最善

者冠婚喪祭之禮他邑或過於繁瀆或失於鄙倍大約惟沔陽爲

得中州志附李濂嵩渚集沔陽紀俗詩郭潛湘曲風流自昔

鷗戲藻沙靜鷺銜菱翎羽充王貢魚蝦入歲徵蓮舫秋竟泛竹檻

晚堪凭陸羽風如在靈均恨不勝漢唐兵未到吳楚勢相乘地僻

逢迎少江清賞宴仍羔羊懷漢詠琴瑟對漁燈放

柁初猶怯垂綸近亦能疎狂叨守牧高興益峻嶒

黃岡縣舊黃州府治

黃州在大江之側雲夢澤南古有蠻風今盡華俗戶不滿二萬稅

錢才三萬貫風俗謹樸法令明具久無水旱疾疫人業不耗謹奉

貢賦不爲罪惡杜牧黃州刺史謝上表山水清遠土風厚善其民寡求而不

爭士靜而文樸而不陋尊德樂道異於他邦雖閭巷小民亦知敬

愛賢者東坡集跋韓魏公詩後又答吳子野尺牘云黃州風物可

樂供家之物亦易致書雞鳴歌云黃人二三月皆羣聚謳

歌其詞固不可分而其音亦不中律黃俗淳質多儉約有漁稻之

呂但宛轉其聲往返高下如雞唱耳

利農情而田事不修明道雜志又云王黃州詩刺史好詩兼好酒

不知呼醉呼吟是何名也黃州廝役訟牒書稀吏無餘事成亭夜

多無名止以行第爲稱便以爲名

寂民獲奠居輿地紀勝引韓農力耕種士尙氣節無依阿澳澀之

習自王穉欽後士多工古文詞其習相漸爾府志士傳家學科甲後

先稱盛重廉恥弗干謁有司農力田澤居兼資網罟安土著不樂

懋遷輸納趨時畏官府如神富民務嗇約近微侈然視他邑猶樸

婦女習勤不尙妝飾東利蠶桑西利紡績南近水以績爲業閭閻

整肅節孝多可稱境內士農多而工商少其大較也縣志附萬

俗論云風俗常與時移易亦有一成不易者岡俗始載隋志言其

淳質儉約宋蘇氏以爲善厚寡求不爭與隋志若合符節此不易

者也自明中衰歲不登汙吏攫奪海內盜起於是邑莠民亦芽孽

數十年事勢流激豈俗使然邑人王伯固據之乃謂五重庶安盜

賊比肩民故刁悍不束於法而中和尤爲盜藪茅氏輯邑志遂因

焉嘗考前明邑治北鄰麻城西鄰黃陂其時黃安未設與豫之光

羅諸邑接壤邑西北去三治遠而地當兩省之交稽覈互匿又崇

山隘嶺深林密筭人跡所罕經爲逋逃藪迤南則紅蓋之左五雲

之右山澤迂阻亦易出沒故時西北境多盜而當其衝庶幾中和
無寧日嘉靖間黨捕誅之置黃安治扼其吭而拊其背盜以浸息
我朝教澤涵濡百年以來人登三古而務農勸學岡俗爲最記曰
修其教不易其俗齊其政不易其宜廣谷大川異制者因而利導
之以返素樸俾無漓古處非昔無而今有也往時見里中家百畝
者冬夏絮布無裘葛寸綺器用苦窳見衣冠則詫而走吏至股慄
而故老猶言天崇閑民宴具舍肉宴已計片授荷而請遺焉藁脯
勛可十筵有老死不窺城市者伯固去天崇數十年耳以爲侈靡
干禁多逋喜訟度善變不若是易亦不若是其儼返積輕易返適
明者也夫物之積失有漸其返正亦有機積重難返積輕易返適
於途者見歧焉不旋踵而復其機迅耳邑之莠民猶是入吉堡鄂
境也與陽邏界江其人業漁多盜雍正間請置官弁日再巡鱗集
而稽之江行無夜驚邑旁地土有黠習者常以其鄰爲邑詎厲數
十年懲而馴之獄訟寢衰焉世固無難返之俗也況積輕者乎儉
約時少異矣長民者司其柄而謹持之而文儒彬彬
受之和采猶是淳質善厚者也豈易民而理之哉

蘄水縣

蘄水溪山乃爾秀邃東坡集與陳季常書蘄西善封浣水故邑氓俗庶富谿

山重複

宋關詠神光觀記

文藻淵源簪纓聯續明王鎔重修縣學記善田事勤女紅

富人尤多畏法嘉慶舊志邑多衣冠之緒以孝友爲本詩書爲業

志二十一

輿地二十一 風俗

十

樸茂近古今風氣漸開騷雅文會之興蓋駸駸焉西南當江湖之
濱田頗窪下水溢則淹浸隨之東北壤近山麓地易乾歲旱則集
桔槔轉塘堰水逆度高原以灌注之俗重去其鄉惟巴蘭稍有商
賈餘悉業農近水者善漁資其利者亦十之一二婦女以蠶織爲
常業所得絲布多貿之以輸正供縣志

羅田縣

崇巖邃谷民力務本俗尙節儉嘉慶舊志土瘠民醇率皆好禮義

安教化其農耆而勤其士樸而雅邑人重去其鄉離家百里有難
色春治蠶事絲有黃白二種地多種棉七月望後收之紡織爲布
機杼聲相聞縣志

麻城縣

麻城土風厚善樂於爲儒出重名節處尙廉恥嘉慶舊志風俗稱

有禮義子弟知有孝友

縣志引趙攸陳慥墓志

麻邑在楚之東北延袤數百

里其土厚而肥其俗醇而樸其人質直而好義

縣志引劉希山靈

川媚常生大儒爲國家瑞應

縣志引許天瑞靈堂記

家誦詩書士尙名檢工

詞翰善嘯獎後進達則爭相朋植民習勤苦通技藝輕遠遊能以

縣志引

勞起家

縣志引

東北之民樸而足中土之民秀而達南土之民巧

而遊西土之民狡而貧謠云東鄉田莊西鄉文章南鄉經商北鄉

酒漿

縣志

黃安縣

本黃岡麻城黃陂三縣分土俗亦大都近之民多悍獷而不馴

康熙

湖廣通志

民生頗爲殷盛昔患萑符今則駸駸文物矣

府志

士服詩書農

勤耒耜然習俗波靡漸失之奢

縣志

蘄州

今改蘄春縣

志二十一

輿地二十一

風俗

十一

人性躁勁風氣果決視死如歸其舊風也自平陳之後其俗頗變

尙醇質好儉約喪紀婚姻率漸於禮其俗之敝者稍愈於古焉

隋書

地理志

淮右名區風氣和平訟獄稀少

秦觀淮海集代蘄州守謝表

蘄在全楚之

東其人敦龐而近古秀民樂於爲儒而不輕釋其業彬彬篤學有

鄒魯之遺風

輿地紀勝引李常廣濟南禪寺記

蘄俗近文雅善歌者多習吳中雅

調雖布衣之士咸能以絕技擅名

耳提錄

蘄州士習文雅其俗舊號

龐樸近亦漸趨侈靡有三吳風蓋緣地闢湖多生理頗易良民以

國稅爲急以息訟勸農爲務固揚地樂土也

康熙湖廣通志

務稼穡習詩

書而俗侈靡豈故揚州之域而風物亦大較似之歟

府志

吾蘄長老

遺風實實然相先以孝讓周規折矩博帶褰衣所謂文學近於鄒

魯者殆謂是至於敦尙節義閨門肅然別嫌明微尤稱善俗小民

之家重本勤業貿遷知所止足不敢妄生邪心不好訟里巷有爭

輒與解山野之氓有老死未遊市井者寢及末季好用多煩漸鄰
誇鬪爰啓殲戮之禍邇乘喪亂之餘生理未復民閔侈靡相耀甚
者妨貴陵長加大破義之事亦多有焉

縣志引盧鉉
四照堂集

廣濟縣

廣濟風俗醇龐近古然好氣任俠

嘉慶舊志
引府志

俗多樸茂民愛稼穡

士喜詩書以孝友爲先然其人椎而贛

舊縣志

舊家大族以書爲業

庶民不論貧賤皆知重儒士尙氣節重廉恥有奔競者眾咸訾之

縣志

黃梅縣

民俗力農不事商賈遊俠柔弱畏訟士習禮教勤學而文樸而不

陋嘉慶舊志引明曾維倫風教論案論載府縣志其略云舊聞黃
梅民俗力農不事商賈游俠柔弱畏訟士習禮教勤學而文樸
而不陋蓋亦易治之區也比以縣官墨酷百姓上變當事者以紀
綱之故不能輒屈吏以伸民凡上變告縣官者一切麗於法而並

志二十一

輿地二十一 風俗

三

逐吏此非不知縣官墨酷民不堪命也然黃梅自是被惡名號難治
幾九年矣會令報關當事檄不佞往代鞠躬受事早作夜思一切
利難治者至其風俗大端土廣人稀一夫受田不下十餘畝水鄉
謂難治者至其風俗大端土廣人稀一夫受田不下十餘畝水鄉
苦潦山鄉苦旱一歲之入不足支所出故輸賦不能前而官以是
病工匠無土著率四方來者開張百貨通鹽利又皆三吳徽歙之
人若士則居恆佔畢守其師說文平無甚奇偉好異之士又雜以
詭誕駁而不純故士風大頹不佞至首興學校重科名愛惜人才
爲崇起之邑自雍正間升爲大學邇來科甲聯翩所在皆學舍聞
風始稍振

書聲風近古矣又泉甘土沃民勤於農塘堰修飭蓄洩有方連年

豐稔畝獲五六石生齒日繁膏腴盡闢曲塢平湖皆成利藪故家

室豐盈禮法漸起

縣志

附莊樵晚菰詩稿黃梅雜詠試說黃梅

僧徒集所求士女忙移風端古佛場千年開寶掌五葉渡慈航黃梅
景物幽有山皆北向無水不西流附郭魚蝦集瀕湖杭稻秋勸農
曾風駕屋角喚雙鳩試說黃梅縣黃梅水滿湖霜風吹稻穗晴雨
響菰蒲魚網家家下香醪處處沽太平原有象誰忍迫呼試說
黃梅縣黃梅在楚東人行紅樹裏鳥語翠微中摘
茗乘朝露纔絲待晚風山川醇樸處教授愧文翁

安陸縣

舊德安府治

安州士民純秀幾同鄒魯之風

宋滕元發謝上表

民醇務簡少詞訟

輿地紀勝

引范雍詩云安陸號方鎮江邊無事州民醇詞訟少務簡官政優

地多磽瘠殖貨不饒惟俗喜儒

術近世名勝之流相望不乏由進士擢天下第一者三人矣

學田

土風醇厚其士多秀傑其民多隱德承平時宦遊者樂焉

必大重立

地接中州民氣淳厚土習蒸蒸

康熙湖廣通志

元季之亂民匿

山砦僅數十家五方雜集地廣人稀習尚樸野宣德而後休養生

息稍稱繁矣弘治藩再建道路斯通民之耳目漸失其舊浮靡之

習盈於市塵然土磽農惰產惟穀布無異貨河狹舟輕商賈稀至

民無餘貲雖歆豔奢侈黜於力焉若詩書之族由成化以來足稱

名勝

陳士元楚北州邑安陸號爲易治其俗樸其風醇先民之遺

澤未泯焉

縣志附程大中甲乙存稿黃花葉落詞黃花葉落倚於幽薄靈苗五萼不扶日腳朝見黃花暮見黃花不見

黃花落而爲霞白白之水浸彼稻田豚驪一肩可以祝天黃花尺五歸揖田主雄雞三號飯續出槽注云安州人好田歌其辭爲黃

志二十一

輿地二十一 風俗

三

花葉落黃花大如錢生稻田中葉落布稻時也

雲夢縣

民知遵禮法婦女無游冶之風

嘉慶通志引舊志

土瘠民勞甫釋犁鋤卽

勤機杼男婦老少皆然寒暑不輟土著賈人無重貲市肆牙行專

視遠商之集否爲盈虛

案縣志云山西布商來楚販布必經雲城捆載出疆歷遠布不變色若不由雲城改

捆一至河南渡黃河卽多微黠故西商於雲立店號數十處本地貿易亦藉以有無相通

物情素號馴謹憂深

思遠奉公急義赴期會如鼓應枹

縣志

應城縣

應城之民多尙仁義

元和志

其性固其俗醇男不經商女惟織紵士

敦詩說禮不失濂洛宗風齊民畏法少訟蓋土壤視鄰邑獨磽農

夫貧苦措紳皆好精修厲名檢故鮮千金之家

陳士元

西北山地

憂早東南湖地苦潦豐年少而歉歲多兼以地少土產足供商販

資給多恃女工

康熙縣志

環境之內原隰相閒山澤交錯有布帛穀麥

魚鶩蒲葦之利石膏所產甲天下總鑿運販足贍數口田賦中上

故人皆安土重遷擁萬金者不下數百戶豐盈之象異乎昔之所

云矣

嘉慶縣志

邑俗向勤耕織頗稱饒裕自兵燹後東南風氣如昨西

北一帶多以鑿崗熬鹽爲業往往爲孤注之計以博利於未然迫

利不償本始悔噬臍且鑿崗之處男婦皆舍本逐末藉車手錘手

營生雖田地草萊機杼頽朽亦不顧惜是亦地方之隱憂也

縣志

隨州

今改縣

隨州風俗同唐州尤多獵山伐木

寰宇記

隨爲州去京師遠其地僻

絕

曾鞏尹公亭記

其人繁阜其俗醇厚

范公擇長慶寺碑

土深厚其民勤儉力穡

少末務故多土著不外徙士崇樸學不爲浮誇

州志

厲山炎帝所生

隨故耕耨之餘氓也近代神聖雖邈而井閭勿穆戶簞黨塾新進

志二十一

輿地二十一 風俗

古

壽秀傑長老多隱德東南君子山民多忠厚有君子之風西北聖

水河俗重人倫有古聖之遺焉東北大義山民皆尙義相習成風

貧富不相耀西南歸仁村習耕讀尙醇良化於仁者深矣

陳士元府志

應山縣

應山士民好文學其俗善良不爭純靜易治

宋張耒四賢堂記

其民秀而

文其俗樸而儉

元魯瑄璵魏尹碑

當楚之北偏地甚貧瘠俗亦簡陋

明楊連新

修儒學記

其里狹土瘠民貧俗醇樸喜儒尙信義有古遺風

清蔣永修修城記

邑沐楊忠烈公遺澤士尙節義以守拙爲高深山窮谷之中男耕

女織富者皆以守家訓勤儉銖積而起貧民農於田樵於山轉運

於道路以人力代舟車女勤機杼而去草插禾桔槔灌溉並資之

冠婚大典無綵緞之榮賓燕無海物之錯婦女無塗澤不知珠翠

相炫耀歲時伏臘報賽祈年亦釀錢爲會而隻鷄斗酒集眾成筵

無費也縣志

鍾祥縣舊安陸府治

楚國南郢之地其俗信鬼而好祠其祠必作歌樂鼓舞以樂神王逸

楚詞九歌序楚郢之境西浮漢江東馳京嶺古風遺事悽然不變有白

雪陽春之美唐劉丹西郭橋記郢州風俗同荊州然清明節鄉落唱水調

歌寰宇記案甲乙存稿云揚歌郢中田歌也其別為三聲子五聲

歌子一曰唯聲通謂之揚歌一人唱和者以百數音節極悲水調

陵質嘗為竟陵郡於城上眺矚見羣少年歌謠通唱因作此曲莫

和中復有忘愁聲此亦郢俗好歌之證其詞並錄後其民樸其

俗儉有西北之風聲氣習士多文雅衣冠整飭風士才孺郢州地多

卑溼人性淳和清一統志地濱漢江人物俊雅風氣日新康熙通志

敦禮讓尚信義急公賦重農輕賈摺紳循法守正語言服食雜於

中州江右俗善釀唐稱郢水春宋稱富水春至今四時皆釀府近

今士君子皆循循守法雖極富大貴不為震懼詔屈單寒亦無所

輕侮喜治宮室然高門大戶堂構方新子孫未久或折而鬻之縣志

見附樂府石城樂云生長石城下開窗對城樓城中諸少年出入

百餘幅環環在江津執手雙環髻前挽指闕忘愁相與及盛年布帆

黃檠五餘水高不得渡與歡合生居聞歡遠行去相送方山亭風吹

兩樂檠催送莫愁來聞歡下揚州相送楚山頭採手抱腰看江水斷

不流甲乙稿揚歌詞云青泥浩浩野蒲肥白水田塍蚱蜢飛石城

何爾牧身苦饑黃雀無糧飛上牛衣翼動心悲無家可依嗟哉黃雀

何為東鄰春栗西鄰揚箕石城犢牧身苦饑

京山縣

京山地廣以遠民能自力於本務耕鑿紆織循楚之舊宋程祁京

山川之秀甲郢復英靈所誕負出流輩明王格儒學邑多山泉民

引泉為機以椿為磨人樂為士有累世業儒之家父子兄弟一時

同遊庠序者舊縣志三面阻山壤瘠不能多得田穀雖巨室鮮儲蓄

民少淫巧工多粗劣且不能為逐末計日用所需惟徽商操其緩急而收其厚利積漸久矣縣志

潛江縣

地本沮洳百姓勤於本業士尚文藝府志人稠地狹絕少曠土積潦

之鄉不能種植以漁為業然皆戀田園重遠遊無寄籍他鄉者婦

女鮮冶容豔服結約出遊之事縣志

天門縣

地最廣衍足牲畜鮮絲枲稻粱之利自古四方有事所爭趨九州

之人雖平時不無槩芽其閭者明魯鐸景陵修城記休風顛氣代鍾名哲譚

篆重修地卑下四望皆水以堤為命府志邑在前代田少澤多自漢

道湮塞葦荻漸闢加以屢潰淤生其畝廣其畛清耕耨遂為恆業

村落依高阜而居或百餘家或數十家吉慶相賀疾喪相卹猶有

志二十一

輿地二十一 風俗

古

古風士多附郭居鄉者必兼農為農者必兼織廣植木棉農隙即

率婦子晝夜紡績安土重遷無遠商行賈百工技能之末皆農不

能兼織者為之不盡問諸市也縣志附何喬新椒邱集景陵書

氏遺封在茶陵舊井荒五華飄暖翠三澠滉晴光名宦懷仁傑賢

蔣憶子良俗醇民訟簡政峻吏書忙澤國舟為市沙村葦作牆春

深焚笋美秋晚稻花香菱芡充常貢魚蝦售遠商茅檐晨霧重蓮

蕩午風涼犬吠蘆汀月雞鳴夢岸霜鳬鷺朝汎汎葭菼暮蒼蒼最

愛停橈處漁舟送夕陽

襄陽縣舊襄陽府治

襄陽左右土田肥良桑梓野澤處處而有南齊書地理志江漢閔州以十

數而襄陽為大舊多三輔之豪今則一都之會故在晉稱南雍在

楚為北津厥繇厯雜亦云難理張九齡襄陽刺襄鄧實為中原人

心質良新唐書朱杲傳人多偷情信鬼神崇釋教襄陽風俗記云案寰宇記又引

五月五日投汨羅其妻每投食於水祭之屈原通夢告其妻所祭

食皆為蛟龍所奪龍畏五色絲及竹故妻以竹為粽以絲纏之今

俗其日皆帶五色絲食粽言免蛟龍之患宋玉王逸張悌習鑿齒之徒實生此土故其

民尚文其地近被二京之饒富遠通三川之遊佚北魚南徐之習

不替故其俗尚侈輿地紀勝引襄陽圖志又云魚宏徐鯤皆襄人

勁悍決烈兼秦楚之俗宋范子良郡縣志地饒財殷士文而悅道俗重義

而有勇明魯鐸鎮南樓記人民樸野信鬼好楚歌皇興襄郡七屬民俗尚

淳崇儉然禮教未嫻輕蹈法網而不自知郡北樊鎮為商賈所萃

自西來者尚循樸約自南來者頗習侈靡飲食宴會以豐腴相耀

而婚姻酬酢之儀亦稍增華土著居民近漸染之府志附樂府

陽樂曲云朝發襄陽城暮至大堤曲大堤諸女兒花豔驚郎目上

水郎擔篙下水搖雙櫓四角龍子幡環環江當柱江陵三千西

塞陌中央但問相隨否何計道里長人言襄陽樂樂作非儂處乘

星冒風流還儂揚州去爛熳女蘿草結曲繞長松三春雖同色歲

寒非處儂黃鵠參天飛中道鬱徘徊腹中車輪轉歡今定誰憐揚

州蒲鋸環百城兩三叢不能買將還空手攬抱儂女蘿自微薄寄

託長松表何惜負霜死貴得相纏繞惡見多情歡罷儂不相語莫

作鳥集林忽如提儂去歐陽修送劉太尉赴襄陽詩云嗟爾樂哉

志二十一

輿地二十一 風俗

七

襄陽人萬屋連葦清漢濱語言輕清微帶秦南通交廣西峩岷羅穀纖麗藥物珍枇杷柑橘薦清尊磊落金盤爛鱗鱗糕頭縮項昔所聞黃橙擣薑香復辛春雷動地竹走根錦苞玉筍味爭新鳳林花發南山春掩映谷口藏山門樓臺金碧瓦鱗鱗峴首高亭倚浮雲漢水如天瀉誰復思其仁荆州魏晉以來重古今相望多名臣嗟爾樂哉襄陽人道扶白髮抱幼孫遠迎劉侯朱其輪劉侯年少氣甚淳詩書學問若寒士尊俎談笑多嘉賓往年邢洛有善政至今遺愛留其民誰能持我詩以往為我先賀襄陽人

宜城縣

宜城俗樸陋其人勁悍方輿要覽耕氓好楚歌居室多編竹以代陶瓦

明一山水頑劣而多產才士宋玉王逸段成式皆生其地王士禎蜀道驛

程土瘠民貧務本業憚遠商少積聚勤儉敦龐最為近古士尚氣

節重廉恥縣志

南漳縣

南漳在荆襄之間土地肥饒男女以耕桑為業其俗樸陋被化已